

vnd heilet die faulen Wunden/ den Krebs/ Wolff/ vnd die Sistel.

Edle Rhabarbara.

Rhabarbara hat von allen Elementen ein vermischte Natur/ sonderlich von dem Fewr vnd der Erden/ dan von dem Fewr ist sie warm vnd trucken im andern Grad/ öffnet/ zertheilet vnd treibet. Von der Erden ist sie bitter/ zeucht zusamen vnd



stopfft. Die fewrige Natur schwebt obē/ die Irzdische steckt im Grunde vnd Boden/ derhalben so man Rhabarbarum in distilliertem Wasser oder Wein beizet/ wird die fewrige qualitet von der Irzdischen gescheiden vnd abgesondert.

Rhabarbarum ist ein sichere linde

Arzney für junge vnd alte Leuth/ zu ieder zeit/ doch so man ein wenig Spica oder Squinantum/ oder Zimmetrinde dazzu thut/ so wircket es desto bas. Jedoch nicht bey Schwangern Personen.

Bauchwürm der Kinder aufzutreiben/ gib ihnen ein

Von allerhand Arhney/

ein scrupel/das ist ein drittheil eines quintleins gestos-
sen/Rhabarbar: i zu trincken/oder wie du es magst ihne
einbringen/es tödtet vnd vertreibet die Wärm behend.

Alle Morgen ein stückle Rhabarbari/Mastix mit
Zucker vermengt/ vnd im Mund gefäwet/macher ein
guten Arhem/eröffnet die Verstopffung des Haupts/
stärcket es/ vnd wärmer den Magen/dienet zu Erhal-
tung der Gesundheit.

Rhabarbara/ein halb Quintle/Mumia zwey Ger-
stenkörner schwer/mit gutem Wein vermischer/ vnd
mit einem linden sewr erwallt/ vnd wem seine Glied-
er zerstoßen oder zerknütscht seyn/der bestreiche oder
schmiere den Schmerzen damit/es hilfft wol/ vnd zer-
theilt das geronnen Blut.

Rhabarbarum gibt man gebraten denen so Blut
speyen vnd hoch gefallen sind ein Quintlein/ allein/
oder mit wenig Mumia/ oder auch Ferberrothe/ in
einem Trundt Weins.



Hornungs- Blumen.

Hornungs Blu-
men seind waz-
mer vnd trucke-
ner Natur/ das
mit mag man in fur-
ger zeit die zerhawene
wunden/ vnd Spanns
aderen heffren/ vnd
wird aber nicht fast
in Leib gebraucher.

Hornungs Blumen
Zwybelen grün zer-
stossen/ vnd mit ihrem
safft